

ШКОЛЬНИКЛӨН БИБЛИОТЕКА



Александр Лыюров

ЛЕНА

ШКОЛЬНИКЛÖН БИБЛИОТЕКА

Александр Льюров

ЛЕНА

Висът

КОМИ КНИЖНОЙ ИЗДАТЕЛЬСТВО
Сыктывкар * 1964

С
Л88

Александр Алексеевич Лыюров

ЛЕНА

на коми языке

Редактор *С. Морозов*

Техн. редактор *А. Вишнева*

Сдано в набор 6/VII-1963 г. Подписано к печати 11/VIII-64 г. Формат 84×108¹/₃₂
0 312 бум. л. 1,025 печ. л. (Уч.-изд. л. 0,73). Цена 3 коп. Заказ № 3161.
Ц01721. Тираж 2000. Коми книжное издательство. Дом печати.

г. Сыктывкар, Республиканская типография Управления по печати



1

Джуджыд керөс вылын нюждөчөма Карөбйыв сикт. Дзик керкаяс бердсянь заводитчөны колхозной паськыд муяс да помасьöны найö вадор кыркөтш дорын, а мөдар бокас кыссьöны ылын лөзалысь вөр бердөдз. Кор пöлыштас төв — гызьö дзоньнас муяс вылын веж öзим. И оз позь сэк нимкодясьтөг видзöдны сы вылө. Сынöдыс ымралө öзимлөн аслыспөлөс юмов көрөн, кодi сорлассьö льөм пуяслөн, кызьяслөн да уна пөлөс рөма дзоридзьяслөн ароматкөд.

А на весьттi кельыдлөз енэжөд ньөжйөник шлывгöны прöшви сера кокныдик кымөрьяс.

Купайтчөны шондiлөн югөрьясыс зеркалө веркөса Эжваын. Мичаось тайö местаясыс шондiа гажа лунö... Татшөм луньясысь öтиö Карөбйыв пристаньö сувтiс каля кодь еджыд теплоход. Йöзыскөд тшөтш сэтысь петiс нывка. Сiйö кутiс киас нейджыд чемодан, мөд сой вылас öшалiс плац. Еджыд юрсияссö кыöма ичөтик көсаясö, на помö көрталөма лөз лантаысь бантикьяс. Дженныдик еджыд платтьöйс төдчө-

діс нэриник кияс да вёсньыдик кокчеръяслысь кок-
ньыдика гожъялёмсö.

Со и сикт. Ныв тэрыба вoсьлаліс, видзöдлывліс
таса кильчö öдзöсьяс вылö, мöвпаліс: «Гортынöсь
абу миян? Дерт, видз вылынöсь».

Сиктын шыч ни рач. Лём пулөн бусөн вевт-
тысьём коръясыс öшалісны вёрзывтöг. Жарысла
пöдтысь сынöдын эз кыв некутшöм шы. Сöмын ку-
рöгъяс öтнаныс радпырысь пуртікасісны туйвывса
бус пиас да кадысь кадö рукöстлывліс няйт гуранö
пласть водöм розöвöй порсь.

Ныв кежис öти керкалань, тэрыба вуджис завор
вомөн да кайис кильчö вылас. Но öдзöсыс вöлі то-
мана.

«Видз вылынöсь,— мöвпыштіс сійö.— Татшöм
мича лунö, дерт, гортын оз пукавны». И друг лоис
забеднö. Кутшöма тэрмасис гортас, техникумын за-
нятияс помасьём бöрын весиг öти лишнöй лун эз
убелит овны карын. А со кызди встречайтö мамыс.
Лöга видзöдліс мустöм томан вылö, пунктіс чемодансö
да плащсö кильчö вылö, заводитіс корсьны дзебасысь
ключ.

Сэки тöдса гөлöс чукöстіс сійöс. Нывка бергöд-
чис, аддзис Яков дядьöс, коді некымын во нин дор-
ыв бригадираліс колхозын. Ныв уськөдчис сылы
воча. Яков дядь шылькнитіс сьöд усьяссö, лöсьöдыш-
тіс юр вывсьяс картузсö да паськыда нюмдіс:

— Лена! Тэнö он и тöд. Шойччыны воин?

Сы серти, кутшöм сьөлёмсянь найö киасісны,
тöдчö вöлі, мый кыкнанныс радöсь аддзысьёмлы.

Леналөн жугыльлуныс воши. Муртса гожъялём
чужöм вылас кыптіс дзебны позьтöм радлун, а вёсни
паръясыс да руд синъясыс гажаа нюмъялісны.

— Мамсыд гажтöмчин?— юаліс Яков дядь.

— Дерт жö. Тöвся каникулъяссянь эг аддзыв.

— Сійö видз вылын. Гöгрöс ты дорын.

— Ой! — повзискодь Лена. — Сідзкө, талун оз во?

— Оз, дерт. Ачюд төдан, сәні өд вежон чөж гортө
вольтөг пуктысьоны. Öнi сәтчө жө мөдөдча. Воли за-
паснөй частьясла.

— И ме тшөтш, Яков дядь, — кутчысис бригадир-
лы сояс Лена. — Ветла отсасыштны, гортын өтнамлы
немтор жө вөчнысө-а...

— Тэ өд мудзин, Лена, шойччышт, — мудеритис
бригадир, — во чөж велөдчыны техникумын абу шут-
ка. Ещө гоз-мөд во и, видзөдан да, агрономөн лоан,
ми коддьөмгьяс вылын командуйтны кутан...

— Яков дядь, эн серав! — яндзим лои Леналы.

— Ладнө, — збыльысь нин помалис сёрнисө брига-
дир. — Вежсьышт, сёйышт, менө аддзан перевоз до-
рысь. Да дыр эн нюжмась, а то коля.

2

Лөсьыд видзөдны Эжва вылө гожся лунө. Он
вермы гөгөрвоны — визувтө-ө, сулалө-ө, сәтшөм сійө
лөня нуө асьыс васө нюдзвиж береггьяс костті. Ви-
дзөдлан кө ва вылас, сөстөм зеркалөбысь моз аддзан
асьтө. Сы вөсна и, кажитчө, татшөм кадас видзөд-
чөны Эжваө, ас вылас любуйтчиг, берег пөлөн быд-
мысь бадь кустгьяс. Сы вөсна и кажитчө, кор мунап
пыжөн ю кузя, быттьө пыж боктыд прөйдитөны
посныдик еджыд кымөргьяс, и мукөд дырйи чуймө-
мөн видзөдлан өтар-мөдар береггьяс вылө, медым гө-
гөрвоны, мый пыжыд збыльысь шывгө-кывтө Эжва
веркөсті, а оз енэжтіыс... Лена пөттөдзыс нимкодгьясис
Эжваөн сы вомөн вуджигөн: өд эз аддзыв сійөс ко-
льөм всея арсянь. Мыйөн пыж нырыс тшукис берегас,
петис лыа көсаө да заводитис мыссыны.

Сэк кості Яков дядь удитис кольны сійөс, лои
котөрөн вөтөдны пөсялөм лыа кузя. А недыр мысти
найө пукалисны нин векныдик туй кузя таркакы-

лысь телегаын. Вель дыр рөдтісны берег пөлөн нюжөдчөм видзьяс вывті.

— Оз нюжмасьны вичкодорсаясыд,— индіс зорөдьяс вылө Лена.— Дерт, көнкө, бара медводзын муһоны.

— Тані налөн видзьясыс бурөсь,— эз веськыда вочавидз Яков дядь,— ытшкөны да куртөны тракторной машинаясөн. Вот вуджасны миян бригада моз лёкджык участокө, и сэки видзөдлам, мый кутасны сьывны.

Лена нюммуніс. Век на важ кодыс Яков дядь: вежалө бурджыка уджалысьяс вылө.

— А миян бригадаын нө тракторной машинаясыс абуось?— чуткис бригадирөс Лена.

— Төлкыс этша,— тыдалө, дөзмис Яков дядь да швачкис вөжжинас мыжтөм Каркоөс.— Йөзыс слабджыкөсь и...

— Вичкодорсаяссьыс?— чуймис Лена.— Кольөм во на первой места босьтлім да.

— И мый тэд быдлаө мог? Висьтав бурджык, кызди зачөтъястө сдایتін? Чөв олан небось...

— Ставыс бур,— дөзмис тшөтш Лена.— Сөмын вот физикаысь оценкасө, ме думысь, эз веськыда пуктыны...

— Колө вөлі кужөмөн отвечайтны,— сералис Яков дядь.

— Ставсө бура вөчи,— өбидитчис Лена.— Сөмын өти задачаысь өтветыс петіс эз колананогөн. И сыысь чинтісны быдса балл! Яндзим колө төдны.

На вензигкості бөрвылө колисны зорөдьяс, тыдовтчисны чөвтысьяс, куртысьяс, юрасьысьяс. Сэні и тані сяргисны да зельгисны ытшкан да куртан машинаяс. Яков дядь друг кежөдіс Каркосө туй вылысь да заводитіс вөтлыны сійөс неылын таргысь ытшкан машиналань.

— Эй, Проня,— горөдіс бригадир.

Машинао доддялөм вөвъяс сувтисны, пуклос вылысь пелька чеччыштис зон да тэрыба локтис Яков дядь динө.

— Со экскурсантос вайөди, будущой агрономос,— сероктис Яков дядь здоровайтчөм мысти.— Интересуйтчө тэнад опытон...

Лена бура төдис ичотик тушаа, беринось гөгрөс чужома да чангыль ныра тайо вичкодорса зонсо.

Проня вөли гажа оласнога да лэчыд кыла. Сийо и они, тыдало, лосьодчис сералыштны Лена вылын. Тайо төдчис сылөн көрласысь плеш да неуна лозоват сырмысь синлапъяс серти. Но сийос ордийс Яков дядь:

— Эк, Проня! Менам бригадао кө тэ кодь машинистсо?— Сэсся бергөдчис Леналань.— Велөдчы: кыдзи лун, сидзи и 8 гектар. Бригадасо ставнас кыскө. А миян машинистъяс... Да мый и сёрнитнысо.

— Код нө таво ытшкө машинанас?— юалис Лена.

— Клава Тёпина, тэнад соседкаыд,— вочавидзис бригадир.— Ок и петкөдла ме сылы пуж. Пөлинө, Проня, ме мөдөдла сийос татчө, тэ велөдышт. Нылыс зськө и төлка да, мый сюрө оз на ладмы.

— Нинөмла будущей агрономъяслысь няньсо мырддыны,— сероктис Проня.— Техникумад, көнкө, не татшөм машинаяс велөдоны...

— А тэ волы сэтчө дай төдмалан,— эз сетчы Лена.

3

Асланыс бригадной станө воигөн Лена ылысянь на казялис мамсо. Тыдало, бригада сомын на пажнайтома: мамыс мыскалис таган вылысь босьтөм ыджыд пөрт.

— Мамөыс нө пөварикаалө?

— Сыысь чөскыдасө сикт кодыс сэсся некод оз

пусы, а пажын бѳрас уджалѳ ставныскѳд радын,—
вочавидзис Яков дядь да горѳдѳс:— Эй, Петровна!
Видзѳд кодѳс вайѳдѳ.

Яков дядь эз на удит синнас лапнитны, а Лена
вѳлѳ нин Петровна сывѳын.

— Инад он ѳшѳыв!— мелѳа ропкѳдчис Петровна
нывсѳ кутлѳг.— Мед кѳть гортын шойччыштѳн. А тѳ,
Яков, сѳтшѳм жѳ, пыр и татчѳ вайѳдѳн, кѳть мед жа-
литыштѳн, нылыслы сѳмын на дас вит арѳс...

— Дас квайт нин, мамѳ, тырис.

— А мый кѳть и дас квайт? Важѳн...

— Важѳн сѳтшѳм арлыднад верѳссайѳ нин петав-
лѳмаѳсь,— торкис Петровнаѳс Яков дядь да содтѳс:—
А вѳльнѳй воздух вылын да зарни шондѳ улын
уджыд медбур шойччѳг. Тадзи шуѳны ѳнѳ. Лена и
ачыс бура гѳгѳрвоѳ. Оз ѳд весьшѳрѳ агрономѳ ве-
лѳдчы.

А Лена сѳк видзѳдѳс мамыс вылѳ. Век на важ
кодъыс. Косѳник, винѳв, важ кодъыс жѳ мелѳѳсь чо-
рыд киясыс... Сѳмын тай чужѳмыс гожъялѳмысла
сир тѳлеб кодъ лѳма-а... Но тайѳ эз мешайт нимко-
дьясьны Леналы, ѳд аслад мамыд медся мича.

4

Мѳд луннас Яков дядь мѳдѳдѳс Ленаѳс том ѳѳз
дѳнѳ, кодъяс петкѳдлѳсны турун юръяссѳ лоскысь,
кытчѳ он сибав вѳвъясѳн. Нывъяс да зонъяс соба-
лѳсны джуджыд вутшъяс костын пукалысь ватѳ. На-
лѳн паськѳмныс кѳтасьѳма, морѳсѳдзыс резсьѳма
няйт ваѳн да колялѳма сѳтчѳ кѳрт сѳм рѳма пасьяс.

Первой юръяссѳ Лена петкѳдлѳс кокниа, весигтѳ
тѳрмѳдлыштѳс ассьыс напарник Настяѳс. Но недыр
уджалѳм бѳрын частѳ мѳдѳс усьлыны шойччѳм ѳы-
лысь мѳвп. Быд турун юр кажитчис сьѳкыдджыкѳн.
Лена и водзджык быд гожѳм уджавлѳс видз вылын.
Но первой лунтѳ велавтѳгыд вѳлѳ зѳв сьѳкыд.

Нөсилка потшөсьяслөн кыздсюрө лөсалөм помъ-
ясыс вундїсны кипыдөссө, вутшъясө крукасьлісны
кокъяс.

Окота вөлі көть недыр жежлө лэдзлыны кисъыс
нөсилкасө, сульштны сїдз. Но Лена эз көсйы лоны
мукодсьыс омөльджыкөн, петкөдіс юр бөрся юр.
Настя, тыдалө, гөгөрвоис тайөс да пуксис веретя вылө
шойччыштны.

— Настя, мый тэ? Давай!— төрмөшитіс сійөс
Лена, а ачыс эськө рад вөлі кутлыны төлка пөдру-
гасө, кодї неуна сетіс сылы шойччыны.

— Уджыд абу көин, вөрө оз пышйы,— серөктіс
Настя.

Шойччөм бөрын буретш артмис сійө, мыйысь өна
поліс Лена.

Некымын юр лоскысь петкөдөм бөрын Лена өна
кодь лигышмуніс. Мудзөмысла пу кодь чуньясыс
разьсисны, нөсилка потш пөлыс мыніс кисъыс. Лена
эз и төд, кытчө воштысьны яндзимысла.

Но Настя кыв шутөг заводитіс лөсьөдны турун
юрсө и, кор Лена матыстчис сы дінө отсасьны, чөвтис:

— Кор мудзан — висътав. Ме өд абу жө көрт.

Водзө найө уджалісны пөшти сёрниттөг, но бура
гөгөрвоисны өта-мөдсө. Пыр тшөкыджыка тыра
юрөн сувтлывліс Настя да шойччөдіс Ленаөс.

Сэки том йөз дінө воис бригадир.

— Но, будущөй агроном, тэ өна воөмыд сьөлөм
вылас Клавалы. Ковмас мунны сылы отсасьны, а
татчө мөд мортөс сувтөдам.

— Яков дядь,— дорйысис Лена.— Ме өд машина-
нас ытшкыныс ог куж...

— Зато Клава кужө,— орөдіс нылөс бригадир,—
а тэ кутан сылы сөмын отсасьны. Видзөдтө, сійө не-
кызди оз вермы тэтөг ордыны Проняөс. Гөгөрвоин
менө?

Яков дядь мудера нюммуніс.

Гажаа восьлалёны вердаса вёвъяс, кылёны Пронялысь кисё. Тырмымён кокныдыка вёжжиён вёрзёдны — и вёвъяс гөгөрвоёны сылысь кёсйёмсё.

Проня сувтёдіс вёвъяссё, пелька чеччыштис пуклос вылысь, сетис вёвъяслы турун и, ныжмём косасё перйём бёрын, мёдодчис тёчила дорё.

Видз кузя гөнитис верзёма. Проня аддзис кызди вёв вылас пукалысьлён летйысисны гыррдзаясыс, шавъяліс кёсынка увсыс петём юрсиыс. Вёвсё өдйё вётлём серти тёдчис сылён ёна тэрмасьём. Зон тёдіс мортсё сёмын сэк, кор нин верзёма воис сы динё, скачитан өдсё чинтывтөг скокис муё да чорыда дернитёмён сувтёдіс вёвсё места вылас.

— Тэ, Лена, весь тані олан. Ме кё тэ местаын — важён нин муні циркё гөнййтны вёв вылын. Сэні интереснөйджык уджыс мутё лечитём серти.

Лена көрыштіс дженьыдик рудов синкымъяссё, өвтыштіс маслөössьём кинас:

— Эновт цирктё! Ме сйёс сёмын на киноысь адзылі. Ме эг лок прёста тэ динё, а могөн, отсёгла...

— Тэ өд должен менё велөдны, будущөй агроном. Серам петкөдан. Ме некутшём рецептъяс ог тёд. Ог вермы сөветуйтны, кызди бурдөдны муястё.

— Тырмас пиньтё жерйөдлыны, — вомалис зонмөныв. — Ме өні машинист.

— Косайд мыйкё лои али шатуныд чеги? Гашкё, ключтё воштін? — Серөктис Проня. — Машина вылын пукалысь интеллигенткалён татшөмыд вермас лоны. И код тэныд дөверитис машинасё? Ме эськё и отсасыны эг босьт.

— Абу өд быдён тэ кодь йи сьөлөмаёсь...

— Сідзкё, Клавалён жалыс петис...

— Тэ мыйён төдан? — скөрмис Лена.

— Плешкад гижёма, мый тэнё Клава Тёпина

босьтöма отсасьны. Будущöй агроном — машинистлы отсасьысь. Абу завидьтана места.

Лена дözмис быдсөн, но лои овны чöv. Вензыны кö кутан, Проня скөрмас да вötлас, немтор оз висьтав. А Леналы куш киөн бергöдчыны оз вöли позь.

Сэки Лена решитис мудеритыштны. Сийö видзöдліс гөгөрбок да вашнитис:

— Проня, ме кöсья мыйкö висьтавны. Зэв важнöйтор.

— Эн пов. Ме öтнам. А тайö нель кока другьясыс мекöд öтвылысь,— индис вövъяс вылас Проня.— Дай найö, кызд тöдан, оз сёрнитны. Верман повтөг висьтавны гусятортö.

— Ёна жö нин тэ сюсь, Проня. Быттö ваö видзöдлін. Менö öд Клаваыд збыльысь отсасьны босьтис.

— Ме тай шулі!— шедис сам вылö Проня.— Ме ылысь аддза!

— Бригадир пöгибö воштис миянös. Да и аслыным абу лösьыд. Дерт, Клава машинистьяс пиын абу медбөрья местаын, тэ та йылысь ачыд тöдан. Но мыйлакö тэнö вötöдны ог вермöй. Мукöд дырйи весиг вövъяслы шойччөг ог сетлöй, а тэ мында ытшкыны ог сяммöй. А бригадиртö öд тэ ачыд тöдан: лопыштны оз сет. Тöрыт ачыс ытшкис пажынöдз, но делöыс эз жö пузы — миянысь унджык эз сет. Водзö сэсса эг нин вермы терпитны. Ветла, мися, Проня дорö да велöдча.

Пронялөн радысла паськаліс вомыс. Кызд нö? Будущöй агроном локтöма отсöгла.

— Эн öмöй ті лыддывлöй стенгазетсыс? Ме гижлі сэтчö ас удж йылысь,— а ачыс мövпыштис: «Но и Яков дядь».

— Лыддбылім эськö да... мися, гашкö, кутшöмкö гусятор эм, код йылысь тэ эн гиж.

— Серамыд петас ті вылö!— нюмдис Проня. Сэсса зэв важнöя юалис:— Ті кымынысь косатö вежлад?

— Кыкысь. Отинас пажынөдз ытшкам, а мөд-
нас — бөрас.

— А ме вежа сэк, кызд сөмын казяла вөвъяслысь
сьөкыдджыка ветлөм. Сэсся өд бара — кутшөм мес-
таті ытшкан. Лыаа местаті лоө частөдзык вежлавны.

— Уна кадыс мунас косатө вежлалөм вылад.

— Косаыд кө лэчыд — вөвъяслы кокныдджык,
найө тэрыбджыка ветлөны. Торъя нин ныж косанад
делө ытшкыны зэр бөрын либө лысва вылын. Туру-
ныс косаад гартчө.

— Пронечка, ми өд сійөн и страдайтам! Сөмын на
весалам косасө, пуктам, гөгөртны ог удитөй — бара
нин жбут-жбут. Вылысь гартчөма.

— Ми вөчам тадзи, — сьөлөмсянныс велөдіс Ле-
наөс Проня. — Став косасө рытнас төчита ачым. Ку-
жөмөн төчитөмыд өна отсалө. Пажын кадө отса-
сьысьөс ыста ныжмөм косаясөн бригаднөй станө.
Сэні бара төчитасны. Мыйөн отсасьысь воас, косасө
вежам, а сідзи жө вөвъясөс. Кор ме пажнайта да
шойчча, сэки ытшкө отсасьысьөй. Арталөма быд ми-
нута. Машина некор оз сулав. Сэсся век колө сувтны
весалөм загон вылө. Загон вөсна кывкутө отсасьысь.
Дерт, колө пуктыны и машина да вөвъяс бөрся дө-
зьөр. Медсяыс, мед эз вөвны машиналөн жугалөмъ-
яс... Клаваыд кымын муфта нин сотіс таво?

Лена, тыдалө, эз виччысь татшөм юалөмсө.

— Төрыт өтиөс тай сотіс-а, — вочавидзис сійө.

— Вот кытчө и вошө кадыд. Жугөднытө регыд,
а вөчнытө дыр. А менам ни өти муфта на эз сотчы,
дай оз ло татшөмторйыд. Тайө и став «гусяторйыс»
менама уджын. Гөгөрвоин?

— Ладнө. Видлам тэ моз. Аттыө зэв ыджыдөс.

Лена бара видзөдліс гөгөрбок да лөня содтіс:

— Сөмын, Пронечка, та йылысь кыв ни джын
некодлы.

— Кывза, агроном өрт, — серөктіс зон.

Вөв вылас пелька чеччыштөм бөрын, Лена ещö отчыд видзöдлис Пронялань. Сэки зон казялис ныв синъясысь дзик здук кежлö öзйылөм шоньд, аттьöлан нюм. Пронялы кызкö лои торъя лөсьыд тайö скуп нюмсыс, кодөн сийöс козьналис Лена.

Выль косаö турун эз нин гартчы. Вөвъяс кокниа мөдисны водзö. Гажаа таргис машина.

— Öни кутчысьöй ти менам! Будущöй агроном да Клава вермасны ордйыны. Аддзылнныд, кызди сийö ветлö вөв вылас. Ковмас миянлы зэлöдчывны,— сёрнитис вөвъясыскöд Проня.

А кызди веськалис Лена Проня динö? Клава Тёпина важөн нин корис бригадирлысь отсасысьöс. Но Яков дядь вöли скуп.

— Гашкö, став йөзсö сэсяя ковмас индыны отсаян удж вылö?— вочавидзлывлис Яков дядь.— Тэныд кöть дасöс сет, а тöлкыс оз ло.

— Пронялөн пö эм отсасысь. Ачыс тöчитö косяяс, а мöдыс сэк кості ытшкö. Машинаыс некор оз сулав. Вот и унджык ытшкöны ме дорысь. Тэ лөсьöд мен условие, а сэсяя требуйт!— öбидитчис Клава.

Яков дядь сöгласитчис.

Но кодöс нö босьтны отсасынысö? Верстыö мортöс, дерт, оз сетны. Сэки буретш и мөдöдис Клава динö Ленаöс Яков дядь.

— Ленук, кöсяян ытшкыны машинаөн?— юалис Клава да водзö нуöдис:— Аддза, окота. Машинаөн ытшкöмыд абу юр кыскалöмыд. Ладнö инöсь, велöда тэнö. Öнисянь и заводитам.

Клавалы ёна сьölөм вылас воис нывлөн кывзысьöмыс, коді пöшти эз вештыв сы вылысь ассьыс гырысь синъяссö.

— Лена,— недыр чөв олөм бөрын видзчысьöмөн заводитис Клава.— Тэд зэв важнöй задание: ветлыны Проня динö да тöдмавны став гусяторсö. Тырмас сылы лоны передовикөн. Колö парскыны сийöс.

— Гөгөрвоа. Но мыйла тэ ачид, Клава, он ветлы?

— Мем сійө немтор оз висьтав. А тэ, Ленук, век жö будущой агроном. Быттьö велöдчыштны воин...

Вот тадзи и веськавліс Лена Проня дінö.

— Аски ми петкөдлам сылы пуж,— серöктіс Клава, кор Лена воис Проня дінысь важной задание олөмö пöртөм бöрын.

Асьяводзнас, муртса кья тöдчигөн, Лена, вöлі нин машина дінын. Клава сувтіс ытшкыны водзвыв весалөм загонö. И лёк эськө лои Леналы, коді кывкутіс загонлөн сөстөмлун вöсна, сюрис кө сэсь коса улö көть ичөтик лөптор.

Кызди сөмын Клава казяліс вöвъяслысь сьöкыдджыка ветлөм, пыр жö вежліс косасö. А төчитіс найöс Лена. Леналы, кызди отсасьысьлы, Клава первой лунтö эз ёнасö сетлы пуксьывны машина вылö.

Пажнайтігөн вежисны вöвъяс. Ытшкөм муніс водзö. Клава чеччывліс машина вылысь сөмын неуна шойччыштны. Но и сэки эз воштыв син увсьыс Ленаöс, ылысянь видзөдіс машинаөн да вöвъясөн веськөдлөм бöрся.

Удж помалөм бöрын матыстчылісны показательяслөн дөска дорö, кытчö бригадир Яков дядь пасьявліс уджлысь итог, надеяөн, мый, гашкө, талун вермасны пайыны Проняös. Весьшөрö! Проня, кызди и век, вöлі ёна водзын.

Нывъяс зілісны видзны быд минута. Весигтö Яков дядьлы лои дивö, кор аддзис татшөм зільөмсö. Пажын кадö бригадир бара локтіс видзөдлыны нывъяслысь уджсö. Сійö поліс, оз-ö Клавалөн весь ов отсасьысьыс, оз-ö ков бөр босьтны сійös. Но аддзис дзик мөдтор. Клава, вöвъясөс тэрмөдліг, пажынөдзыс вöчис медбөрья кытшовъяс.

«Лена, дерт, шойччö»,— думыштіс Яков дядь. Но эз на удит бригадир кыв шуны, кызди видз помын тыдовтчис вöвъясөн рөдтысь Лена.

Клава сувтөдiс вöвъяссö, лэдзалис найöс, доддялис выльясöс, вежис коса. Лена шойччöм вöвъясөн помалöма загон. А Клава сэк кості пажнайтö.

— Молодец, Клава!— ошкыштіс машинистöс бригадир.— Ставсö арталöмыд, любö видзöдны.

— Омöля уджалöмнад Пронятö он суöd,— вочавидзис Клава.— Он жалит отсасысьтö сетöмысь?

— Делö вылö абу жаль. Нöшта, гашкö, кутшöмкö отсöг колö? Тэ висьтав, ми лöсьöдам став условие,— бригадир копыртчис Клава дiнö, вашнитіс пеляс:— Тöдан, тiян ордйысьöмөн интересуйтчöны ставыс. Неважөн юасис ачыс председатель, кöсйис волины татчö. Тi, смотри, энö подкачайтöй!..

6

Некымын лун уджалöм бöрын нывъяс дзикöдз воштісны надея, мый вермасны панйыны Проняöс. Öти рытö Клава öвтыштіс кинас да весиг эз видзöдлы показательяс дöска вылö, веськыда лэччис Эжва дорö мыссыны.

Вöлі неуна öбиднö. Сетіс кыв, а олöмö пöртны эз вермы. Клава бара кутіс думайтны, мый Проня эз висьтав став «гусяторсö».

Мыссьöм бöрын станлань надзöник мунігөн сійö паньдасис Ленакöд. Сійö удитöма нин вежсыны, чужöм вылас пöртмасис радлун.

— Панйим! Талун найöс панйим!— и уськöдчис кутлыны Клаваöс.

Клава пыр жö гөгөрвоис, кодi «найöыс», кöть и ныв эз казьтышт Пронялысь нимсö. Первойсö шöйöвошліс кодь виччысьтöм радлунсьыс, а сэсся сідз жö кутіс топыда кутлыны том пöдругасö.

— Эз весь вош миян зiльöмным!

— Öнi Проняыд мый шуас?

— Тöдмалім ми сылысь «секретсö», медбöрын!

Тадзи кутчысьомон и модисны станө. Сомын нин сэтчө воигон Клава олөдис: абу лосьыд сэтшөма радлыны йөз син водзын. Станө воигон налы паныд уськөдчис Яков дядь.

— Поздравляйта, Клава,— шуис сийө.— Сиамянлы и водзө тадзи уджавны.

Первойя радлун прөйдитөм бөрын Клэва думыштчис. Проня кокниа оз сетчы — кутас зильны ордйыны бөр, ковмас чорыда кутчысьны. Дерт, лосьыд вөлі лыддыны асьтө лунся геройон, но мый петкөдлас аския лун?

А аския лун вайис зэв лосьыдтөмтор. Сомын на удитис Лена вежны Клаваөс да вөчны өти кытшов, кыдзи чеччыштис шатунысь заклөпкаыс. Лена повзёмысла кынмис места вылас, шога видзөдис шатунысь чеччыштөм заклөпка вылө. Мый шуас Клава?

Бадь куст улын пажнайтысь Клава казяліс машиналысь сувтөмсө.

— Мый нин лои?— чепөсийис сийө, сьөлөмнас кыліс мыйкө неладнө.— Пукалан истукан моз? Висьтав, мый лои?— шыасис сийө Лена динө.

— Шатуныд... жугалі...— мыкталігтыр өдва вомсө восьтыштлис ныв.

Клава лосьөдчис нин ёна видны Ленаөс лишнөй тэрмасьөмысь, но друг казяліс сылысь чужөм вывсьыс гырысь синва войтъяс.

Клава небзис, быттө ичөтджык пөдругаыслөн шогыс сывдис сылысь скөрлунсө.

— Лена, мый нө тэкөд? Шань, шань!— шуалис сийө шатун да коса шедөдиг.— Быд заклөпка вөсна кө бөрдны — синваыд оз коль. Мун вай өдийөджык запаснөй шатун да вежам.

— Аддзан, быттө немтор абу и вөвлөма. Сомын пуксы да гольгы!— шатунсө вежөм бөрын серөктис Клава. Сэсся збыльысь нин содтис:— Тайө медбөрья. Мыйкө кө лоө — машина сувтас. Колө ветлыны

кузнечао, мед сәні вочасны. Дай сьорсьыд вай запас-
нойс. Сомын, кыдзи мый верман, тэрмасьомонджык.

Лена босьтис шатун да котөрөн мөдөдчис сикт-
лань. Кор сийө воис ю дорөдз — пыж вөлі мөдар бе-
регас, и мөдлапөлын некод эз тыдав. Сомын сикт
улысладор помын купайтчисны челядь. Налөн гор-
зөмыс кыліс татчөдз.

Лена пунктис кияссө вом дорас да гораа, мыйта
тырмис выныс, кузя горөдіс:

— Пе-ре-в-о-оз-чик!

Но мөдар берег чөв оліс. Лена надейтчөмөн ви-
дзөдліс купайтчысь челядьлань, но найө важмосыс
ызөдчисны ваын, да и вөліны ылынөсь.

Сикт тыдаліс кипыдөс вылын моз. Оньыша сула-
лісны гөра йылын улича өтар-мөдар бокөд нюжөдчөм
керкаяс. Тасянь видзөдігөн найө ставныс кажитчисны
өткодьөн. Сомын сикт шөрас сулалысь клублөн синмө
шыбитчана ыджыд мича зданиеыс да сикт помас
садъяс пиө вөйөм кык судта школалөн гөрд вевтыс
төдчымөн торъялісны мукөд керкаясысь. Сюсьджыка
кө видзөдны, позис нөшта аддзыны вель уна мичаник
керкаяс: сельсөвет, колхоз правление, магазин, поч-
та, вый вөчан завод, но өні найө сорлассисны мукөд
керкаяскөд да кажитчисны сэтшөм жө ичөтикъясөн.
Дзоньнас жө сиктыс — өкуратной керкаяса, веськыд
уличаяса, уналаын быдмысь льөм пуяса, кызьяса, то-
польяса — вөлі мича. И Лена вунөдчөмөн кузя кодь
видзөдіс сикт вылө, быттө сийө эз сәні чужлы, эз
быдмы, эз ов талунъя лунөдз, а сомын на первойысь
аддзис тайөс.

Но и сиктын эз тыдав ни өти морт. Лена дзикөдз
уси сьөлөмнас, но нөшта өтчыд көсйис видлыны
шудсө.

— Пе-е-ре-в-о-оз-чик! — вылысь горөдіс сийө.

Тайө горөдомас кыліс и надея, и корөм, и шоглун.
Но гөгөр вөлі шы ни төв, быттө нарошно сөрнитчөм-

өн бергөдчисны Ленаысь и ывлавылыс, и йёзыс, и сиктыс... Быттё нарoшнө көсйисны видлыны, мый вермас вөчны Лена татшөм пикын. Ленаөс збыльысь шогөдіс. Гашкө, өні Клавалөн шатуныс жугалі, и сійө виччысьө вель шатун? А Лена сулалө лыа көса вылын да оз төд, кызди вуджны ю вомөн. Горзыны водзө вөлі весьшөрө — сөмын кад вошө, колө мөвпыштны вуджөм йылысь.

«Кызд мый верман — регыдджык!» — уси дум вылас Клавалөн тшөктөмыс.

Ленаөс быттё кучкисны плетьөн. Сійө өні гөгөрвоис — сы сайын налөн успехныс, сійө өні вермас подведитны Клаваөс, бригадаөс. Позис өмөй эскыны, мый машинакөд нинөм оз ло?

Корсис синъяснас — мыйөн эськө позис вуджны паськыд Эжва вомөн. Берег вөлі куш, сөмын ылын, лыа шөрас нин, куйлісны некымын гырысь кер. Но найөс ваө лэдзны Леналөн оз судзсы выныс.

Аслас вынтөмлунысь друг сылы окота лои бөрдны.

«Колө жө лоны сідз, мед пыжыс вөлі мөдар берегас! Мыйла эськө сылы не тані лоны?» — мөвпыштіс Лена.

Шондіөн донөдөм лыаысь кыптіс төдчана жар. Мед көть неуна веськөдыштны терпитны вермытөм горш косьмөмсө, мый йылысь Лена сөмын казяліс өні, заводитіс тэрыба лэптавны содзнас васө да ыркыны-юны потласьөмысла чөсөдысь вом доръяснас.

Ваыс вөлі дэбыд, чөскыдтөм, но сійө пальөдыштіс Ленаөс да лои кокныдджык.

«Купайтчыны ли мый? — мөвпыштіс сійө, а сэсся друг кутіс тэрмасьөмөн пөрччысьны. — Кызди нө водзджык эг гөгөрво? Од позьө вуджны варччөмөн».

Но кызди вуджөдны шатун, паськөм?

Син улас уси ваті кывтысь неыджыд пөв. Кутіс сійөс. Берегысь аддзөм сирөсь гез пратьөн көрталіс

шатунсö паськöмыскöд öтлаын пöв бердö. Пöв кок-
ниа лыбöдiс найöс. Сира пратьлысь мöдар помсö кöр-
талiс коскас, мöдiс варччыны. Пöв вылын куйлысь
шатун, паськöмыскöд тшöтш, кокниа кывзысьмөн
вöччисны сы бöрся.

Пöдругаясыскöд купайтчигьясын Лена унаысь пе-
тавлiс варччöмөн Эжва шöрöдз, но мöдар берегöдзыс
некор на эз вуджавлы. Вашöрса визув ылö воём
мысти вошлi аслас вынö эскöм, береглөн ылыслуныс
повзьöдлiс сийöс. Кажитчö — оз тырмы выныс вудж-
ны ва мöдарöдз. Кöть и вöли окота варччыны Эжва
вомөн, но полöмыс да аслас вынö эскытöмыс бергöд-
лисны сийöс джын туйсянныс.

И öнi, Эжва шöрлань воигөн, сийö кылис, кызди
кыптö сы пытшкын тöдса полöмыс. Зiлис не мöвпав-
ны та йылысь, частö видзöдлывлiс пöв бердö кöр-
талём шатун да паськöм ылö. Но кымын матö петiс
Эжва шöрлань, кымын ылö коли мышку сайö лыа
берег, сымын ёнджыка содiс полöмыс, пыр ёнджыка
и ёнджыка топöдiс сьölöмсö. Сийö видзöдлiс öтар-мö-
дар берегьяс ылö: кыкнанныс вöлины öтылнаынöсь.

Берегын сулалiгөн, кор аддзан öтарсянь кыркöтш,
а мöдарсянныс лыа кöсаөн топöдöм Эжваöс, кажит-
чö — абу нин страшнö варччыны сы вомөн. Но кор
веськалан ва шöрса визув ылö, берегыс петкöдчö
ылынджык, и Эжваыс паськыдджык.

Перевозчиклөн будкаыс коли ёна нин ылö, и Ле-
налы кажитчис — кывтö оз сийö, а жарысла унзильөн
вугралысь берегыс.

Некөн некод оз тыдав, весиг челядь мунöмаöсь ку-
пайтчанiнсьыс. Лена, öтнасөн ва веркöсын кутчысиг,
кывтiс Эжва шöртi... Лои нöшта страшнö. Кöть эськö
мед öти ловья лов тыдовтчис берегын. Но — некод,
отсöг виччысьны некодсянь.

«Бергöдчы! Бергöдчы! — кодкö быттö öнi шöпкö-
дiс сылы. — Ато вöян! Абу öмöй тэд окота овны свет

вылас? Видзодлы гогорыд, кутшом мича ставыс...
А тэ верман воштыны век кежло тайос ставсө».

Но тайо шопкодомсө вевтис дзик мод полос, вы-
наджык голос: «Эн пов! Вудж смела. Тэнад олөмын
радлуныс воссяс сомын модар берегын. Сидзкө, тэр-
мась аслад радлуны воча! Вудж!»

Лена эз төд, кодлысь кывзыны. Сы пытшкын вен-
ласисны асьсө видзысь инстинкт да көсийом.

«Кызд мый верман — регыдджык!» — бара воис
друг вежорас. Кодлөн тайо кивьясыс? Коді тшөкты-
ліс тадзисө вочны? Ах, да, Клава! Клава тшөктыліс!

И друг воши сылөн полөмыс, быттьо Клавалөн
тшөктөмыс тойыштіс водзө. Выль вынөн зэвтчисны
мускулъяс, юрын лои ставыс ясно, и кион быд сы-
ныштөмысь соді аслас вынө эскөмыс.

Оз позь шуны, мый Ленаөн тайо здукас веськөд-
ліс Клава водзын полөм. Эз! Сійос өні шымыртіс
выль, благородной көсийом, отувья делө вөсна кив
кутөм. И тайо көсийомыс сыын чужтіс сы мында вын,
мыйта сылөн некор на эз вөвлы.

Ньөжйөник матыстчис берег. Öні оз нин тыдавын
гөрайывса керкаяс. Сы син водзын вөлі джуджыд
кыркөтшлөн бужөд да посни галькиа берегдор.

Ваысь петөм мысти Лена пасьталіс пөв вылын
вуджөдөм паськөмсө, лөсьөдыштіс юрсисө, нюммуніс.

— Ньөти абу и страшнө вөлөмыд. Öні ме тэысь
ог пов! — грөзитыштіс сійө чуньнас паськыд Эжвалы,
коді öні кажитчис нин вынтөмөн сы водзын.

Сэссия бергөдчис да, шатун вылө чуть-чуть мыдж-
сьыштөмөн, модіс кайны трөпаөд кыркөтш паныд.



3 коп.

КОМИ КНИЖНОЙ ИЗДАТЕЛЬСТВО · 1964